

تاریخ عثمانی انجمنی

۱ حیران
۱۳۳۰

پنجمی سنہ
نومبر ۲۶

مجموعہ سی

اوز تیمور اوغلی عثمان پاشا مقاله سنه ذیل

شجاعتنامه

مجموعه نك چكن نسخه لرنده مندرج اوز تیمور اوغلی عثمان پاشانك ترجمه حالی ایچون طوبوقوسرای هایوننده روان کوشکنده واقع کتبخانه ده بولنان شجاعتنامه نام کتابدن بر خیلی معلومات آلمش و مأخذ اولمق اعتباریله کتساب مذکوره و مؤلفنه دائر تعریفات دخی علاوه اولمش ایدی . وسط برخط نسخ ایله یازلمش و بعضی صحیفه لرنده تصویر ایچون آچیق رلر بر اقلمش اولان بو کتاب یگانه نسخه ظن اولنیور و رسلرینك ناقص بولنمنه تأسف ایدیلیور ایدی . مؤخرآ ییلدیز کتبخانه سنده شجاعتنامه نك مصور بر نسخه نك ده موجود بولندیقه مطلع اولدق ، کیدوب کوردیکمزده وهله اولاده روان کوشکنده کی نسخه نی بونك مسوده سی دیه تلقی ایتدك ، لکن زیزده بیان اولنه جنی اوزره ییلدیز کتبخانه سنده کی نسخه نك اول و روان کوشکنده کی نسخه نك مؤخر یازلینی اجرا قلنان تدقیقانه آکلاشیلدی .

شجاعتنامه نك ییلدیز کتبخانه سنده کی نسخه سی مذهب و مصور و غایت کوزل خط نسخ ایله محرردر . هر ایکی نسخه بر قطعه ده دره دیباجه سندن سلطان مراد خان ثالث ایچون یازیلهرق قدیم قلمش اولدینی آکلاشیلدیور . حتی مؤلفك کتابی بالذات عرضی حاوی رسم بتون بر صحیفه نی اشغال ایتددر . سلطان مشارالیه تحت سلطنتده جالس و اندرون اوغلانلری و جوجه لر استاده موقع تعظیم و تکریم اولدینی و مؤلفك دخی کمال خشوع و خضوع ایله کتابی النده اولهرق حضور هایونده بولندیقی ارأه ایدر .

اشبو نسخه نهايتده كي : قد وقع الفراغ هذا الكتاب المسمى



عثمان پاشا نك شروانده بمض عاصيلرى تآدي
بالشجاعت نامه فى يوم الخميس الحمة عشر من شهر شوال المكرم فى

سنہ اربع و تسمین و تسمائہ عن ہجرۃ النبویہ فی دار الخلافہ القسطنطینیہ
حماہا اللہ عن الآفات والبلیہ عن ید اضعف العباد واحقر العباد المحتاج
الی رحمۃ رب الرؤف علی بن یوسف غفر اللہ لہ والوالدی والجمیع المؤمنین
والمؤمنات والمسلمین والمسلمات الاحیاء والاموات برحمتک یا ارحم الراحمین»



طاغتان عصانتک عثمان پاشا نزدینہ سوق و تادیلیری
جلہ اتمامیہ سنہ نظرآ ۹۹۴ سنہ ہجریہ سندہ یازلدینی مستبان اولیور .
حالبوکہ دیباچہ :

آصنی دیباچہ سن ززلہ یازارکن خامہ سی
دیدی تاریخین آنک دالک شجاعنامہ سی

یئتیله ختام بولدیغنه نظراً کتابک و دیباچه‌نک آیری آیری تحریر ایدیلهرک
بعده برلشدیرلدیکی و دیباچه‌نک کتابه باش ایدلدیکی مستبان اولشدر .



عثمان پاشانک امام قولى خان ایله محاربه‌سی

بو نسخه‌نک ایلك صحیفه‌سنده اوج مهر وارددر . بری و سلیم بن
مصطفی خان ، طغرائسی حاوی اولوب طغرائنک سره‌سنده خط نسخ ایله

« ٹوکلت علی اللہ » یازیلیدر . ایکنجی مہر آرمودی شکلدہ در و ایچندہ



عثمان باشا تک استانبولہ ورودندہ صدراعظم ایلہ ملاقاتی

تعلیق یازی ایلہ « سلطان سلیم بن مصطفی خان ۱۹۸ » عبارہ سی محرردر .
اوجنجی مہر دخی سلطان سلیم اولہ اسناد اولتوب الیوم خزینتہ ہایون

قوسنك مهرلنديكي خاتم مشهوره مشاهددر . فقط عيني دكلدر ، بر آرز
دهايويكجه در؛ اورته سنده «سلطان سليم» ودرت طرفنده «توكلي علي خالقي»
حك اولمشدر . سلطان مراد خان ثالثه تقديم قلنان اشبو نسخه بالاده
مذكور اوج مهر دلالتيله بالاخره سلطان سليم ثالثه انتقال ايلديكي
آكلاشيلبور . بوانتقال عجبانه صورتله اولمشدر ، كتاب ييلديز
كتبخانهسینه نصل كچمشدر ؛ بورالري بيته ميور . واقعا خاقان سابق
زماننده طويقو سرايندن برخيلي كتاب ييلديزه نقل اولنوب برمدت
اوراده مسافر قالمشردى . لكن اعلان مشروطيتدن صوكره جملهسى
بادفتر محل سابقرينه اعاده اولنديشندن وموضوع بحث اولان شجاعنامه
ييلديز كتبخانهسینه قالديشندن آنك بوكتابلر مياننده بولمسنه حكم اولنه ميور .
نسخه مذكوره نك آخرنده باشقه بر يازى ايله كتابك ۳۰۴ يپراق
و ۸۶ صورت (رسم) ي حاوي اولديني مندرجدر . رسملر تعداد
اولندقده يتيش بدى عدد چيقوب باقى طقوزى ضايع اولتى خاطره كلكله
كتابك شيرازهسى و صهيفه لرك قارشولقلى دقتله معايينه اولمش ايسه ده
كتابدن يپراق چيقارلديشه دائر بر اماره كوريله مامشدر .

اشبو رسملرك برنجيسى بالاده بيان اولنديني اوزره كتابك قديمينى مصور
اولديني كچي مقابلي صهيفه يي تماماً اشغال ايدن ايكنجيسى دخی صدراعظم
ديوانى ارأه ايدر . متباقى رسملردن ايران اوزرينه موضوع بحث حربك
اعلانندن مقدم طلوع ايدوب صهيفه تاريخه كچن قوروقلى ييلديزي
وقفسده بر پاپاغاني و مناظر ساثره يي مصور ايكي اوج عددندن ماعداسى
مذكور سفرك بدايتدن اوز تیموراوغلی عثمان پاشانك وفاتنه قدر اولان
وقوعاته عائددر . بونلرك برازى لالا مصطفى پاشانك واكثرى عثمان پاشانك
محاربات وساثره سنى مصوردر . عثمان پاشايه دائر اولان رسملردن مختلف
صفحاته عائد بشن قطعه سنى بالانتخاب مجموعهنك اشبونسخه سینه درج ايلدك .
اشبو رسملر صنعت ترسيمك عثمانليزده قديمأ واصل اولديني ترقينك

مرتبہ بالاترینہ نمونہ یکانہ عد اولہ جق درجہ دہ دکلد ر ، مع مافیہ



عثمان پاشانک صدارتی

کوزل ترسیم اولمش و قیمتداردر . رسمارک یالیدیزلره مستغرق اولمی
ورنکلرک غایت رنگین و پارلاق بولنمی ایلك نظرده انسانی جذب و جلب

ایدیور . فقط کتابک اولنده اولان رسمله آخرنده کیلر آره سنده کی
 فرق عظیمده متعاقباً نظر دقته چارپیور . چونکه رسملر نهایته طوغری
 صنمت جهتجه درجه درجه تدنی ایدیور . رسامی کتبه سنی وضع ایتماش
 ایسده محارباتک ارائه سنده اتخاذایتدیکی اصولدن وسار بمض جهتلردن
 بونک ایرانلی اولدیفنه حکم اولنه ییلیر . حتی عثمان پاشانک امام قولی
 خان ایله اجرا ایتمدیکی محاربه به داثر اولان رسملرک برنده هر ایکی قوماندانک
 برسیان آلتده بربریه قوجاق قوجاغه مصارع لرینی تصویر ایتمی
 کندیسنک ایرانلیکی حقنده ذهنلرده اولان شبهه یی ازاله ایدر . بوذات
 بلکه ده اوزمان شهنامه جی معیتده مستخدم ایرانلی رساملردن بری ایدی .

محمد عارف